

Broj: 04 -02 - 226 / 11  
Sarajevo, 14. 01. 2011. godine

**O B J A Š N J E N J E**  
**O IZRADI I PREDAJI FINANSIJSKIH IZVJEŠTAJA O GODIŠNJEM**  
**OBRAČUNU**  
**ZA PERIOD I – XII 2010. GODINE**

Obaveza sastavljanja i prezentiranja finansijskih izvještaja za pravna lica uz obaveznu primjenu Međunarodnih računovodstvenih standarda (IAS) i Međunarodnih standarda finansijskog izvještavanja (IFRS) propisana je čl. 33.,35., 36. i 37. Zakona o računovodstvu i reviziji u Federaciji Bosni i Hercegovini („Službene novine Federacije BiH“, broj 83/09, u daljnjem tekstu: Zakon). Pravna lica su dužna sastaviti finansijske izvještaje za period I-XII 2010. godine i iste predati Agenciji za finansijske, informatičke i posredničke usluge d.d. Sarajevo i Agenciji za pružanje finansijskih, informatičkih i posredničkih usluga d.d. Mostar (prema sjedištu pravnog lica) zaključno dana 28. februara 2011. godine.

U vezi sa sastavljanjem, predajom i obradom finansijskih izvještaja po godišnjem obračunu za 2010. godinu, Federalno ministarstvo finansija-Federalno ministarstvo financija daje slijedeće objašnjenje:

1) Obveznici izrade i predaje finansijskih izvještaja za 2010. godinu su: sva privredna društva, društva za osiguranje, mikro-kreditna društva, leasing društva, investicioni fondovi, društva za upravljanje investicionim fondovima, brokersko-dilerska društva, berze, banke te druge finansijske organizacije, zadruge, profitna i neprofitna pravna lica čije je sjedište registrovano u Federaciji.

Izrada i prezentiranje finansijskih izvještaja se odnosi i na ona pravna lica i druge oblike organizovanja koje je pravno lice sa sjedištem u Federaciji osnovalo u inostranstvu, ako propisama tih država nije utvrđena obaveza vođenja poslovnih knjiga i sastavljanja finansijskih izvještaja, kao i na one poslovne jedinice i pogone pravnih lica sa sjedištem izvan Federacije ako se te poslovne jedinice ili pogoni smatraju obveznicima poreza na dobit u Federaciji.

2) Finansijske izvještaje sastavljaju i ona pravna lica nad kojima je otvoren ili zaključen stečaj, odnosno pokrenut postupak likvidacije, u roku od 60 dana od dana pokretanja postupka likvidacije ili otvaranja stečaja.

Finansijske izvještaje nisu obavezni dostaviti ona pravna lica koja su registrovana u tekućoj godini i nisu do 31. 12. imali drugih promjena osim uplate obaveznog depozita. Isti su obavezni dostaviti zaključno dana 28. februara 2011. godine Agenciji za finansijske, informatičke i posredničke usluge d.d. Sarajevo i Agenciji za pružanje finansijskih, informatičkih i posredničkih usluga d.d. Mostar Izjavu o neaktivnosti za prethodnu poslovnu godinu.

3) Obveznici iz tač. 1. i 2. ovog Objašnjenja, podnose po jedan primjerak propisanih finansijskih izvještaja na shemama koje su objavljene u prilogu Rješenja o usklađenosti shema na kojima se podnose finansijski izvještaji sa Zakonom o računovodstvu i reviziji u Federaciji Bosne i Hercegovine („Službene novine Federacije BiH“, broj 82/06 i 3/07) za izvještajni period I – XII 2010. godine.

Član 36. Zakona o računovodstvu i reviziji („Službene novine Federacije BiH broj:83/09) je propisao da godišnje finansijske izvještaje čine:

- Bilans stanja- Izvještaj o finansijskom položaju na dan 31.12.2010. godine;
- Bilans uspjeha- Izvještaj o uspješnosti poslovanja za period od 01.01. do 31.12.2010. godine;
- Izvještaj o gotovinskim tokovima;
- Izvještaj o promjenama u kapitalu;
- Račun dobiti i gubitka na dan 31. 12. 2010. godine
- Bilješke uz finansijske izvještaje.

Pravna lica koja knjigovodstvo vode na sredstvima za AOP-a mogu finansijske izvještaje dostaviti i na propisanoj formi obrasca štampanog na računaru s tim da uz takve obrasce se podnesu istovjetni podaci i na elektronskom mediju.

4) Mala preduzeća razvrstana prema kriterijumima iz člana 4. Zakona, godišnje finansijske izvještaje prezentiraju kroz:

- Bilans stanja- Izvještaj o finansijskom položaju na dan 31.12. 2010. godine;
- Bilans uspjeha-Izvještaj o finansijskoj uspješnosti za period 1.1- 31.12 2010. godine;

5) Pravno lice koje je statusno povezano u skladu sa Zakonom o privrednim društvima odnosno lice koje predstavlja maticu u grupi pravnih lica dužno je sa 31.12. 2010. godine sačiniti konsolidovani finansijski izvještaj za 2010. godinu sa prikazom poslovnog rezultata matice na kraju poslovne godine i predati Agenciji za finansijske, informatičke i posredničke usluge d.d. Sarajevo i

Agenciji za pružanje finansijskih, informatičkih i posredničkih usluga d.d. Mostar zaključno dana 30. aprila 2011. godine.

6) Na dan sastavljanja finansijskih izvještaja pravna lica su dužna samostalno izvršiti razvrstavanje u skladu sa odredbom iz člana 4. Zakona te obavezno dostaviti Agenciji za finansijske, informatičke i posredničke usluge d.d. Sarajevo i Agenciji za pružanje finansijskih, informatičkih i posredničkih usluga d.d. Mostar Obavještenje o razvrstavanju pravnog lica na mala, srednja ili velika pravna lica istovremeno sa predajom godišnjih finansijskih izvještaja.

7) Finansijski izvještaji pravnih lica moraju biti potpisani od strane certificiranog računovođe i ovlaštenog lica za zastupanje pravnog lica i ovjereni pečatom certificiranog računovođe i pečatom pravnog lica- podnosioca izvještaja.

8) Pravna lica razvrstana u srednja i velika, su uz predaju godišnjih finansijskih izvještaja dužni dostaviti i godišnje izvještaje o poslovanju iz člana 40. Zakona.

Godišnji izvještaji velikih pravnih lica i pravnih lica čiji vrijednosni papiri kotiraju na tržištu kapitala moraju sadržavati i prikaz primijenjenih pravila korporativnog upravljanja.

Mala pravna lica nisu dužna da pripremaju godišnje izvještaje o poslovanju ali su dužna u bilješkama navesti informacije o otkupu vlastitih dionica.

9) Obveznici izrade i predaje godišnjih finansijskih izvještaja su i pravne osobe koje knjigovodstvo vode po kontnom planu za budžet i budžetske korisnike i podnose slijedeće finansijske izvještaje:

- Račun prihoda i rashoda za period od 01.01. do 31.12.2010. godine;
- Bilans stanja na dan 31.12.2010. godine;
- Iskaz o kapitalnim izdacima i finansiranju za period 01.01. do 31.12.2010. godine;

10) Obveznici iz tačke 9. ovog Objašnjenja, podnose po dva primjerka propisanih finansijskih izvještaja na propisanim shemama, odnosno budžetski korisnici i vanbudžetski fondovi, godišnje finansijske izvještaje podnose u dva primjerka, s tim da jedan primjerak od Agencije za finansijske, informatičke i posredničke usluge d.d. Sarajevo i Agencije za pružanje finansijskih, informatičkih i posredničkih usluga d.d. Mostar preuzima Federalni zavod za statistiku na obradu, radi izračuna GDP-a u skladu čl. 30. i 31. Pravilnika o finansijskom izvještavanju i godišnjem obračunu budžeta u Federaciji Bosne i Hercegovine („Službene novine Federacije BiH“ br. 17/05, 66/08 i 73/08).

11) Pored navedenih, Zakonom propisanih finansijskih izvještaja, svi obveznici podnošenja finansijskih izvještaja na osnovu utvrđenog godišnjeg obračuna, dužni su da uz finansijske izvještaje, predaju i posebne obrazce i to: - Posebni podaci o plaćama i broju zaposlenih.

12) Obveznici predaje finansijskih izvještaja na osnovu godišnjeg obračuna obavezno predaju i posebne obrasce propisane posebnim zakonskim propisima, i to: «TZ» Obračun članarina turističkim zajednicama, obrazac propisan odredbama Zakona o turističkim zajednicama i promicanju turizma u Federaciji Bosne i Hercegovine («Službene novine Federacije BiH», br. 19/96 i 28/03), Uredbom o članarinama u turističkim zajednicama («Službene novine Federacije BiH», br. 18/09) i Pravilnikom o obliku i sadržaju obrasca za uplatu članarine turističkim zajednicama («Službene novine Federacije BiH», br. 50/03).

13) Pravna lica iz tač. 1. i 2. ovog Objašnjenja u skladu sa Zakonom o statistici u Federaciji Bosne i Hercegovine („Službene novine Federacije BiH br. 63/03 i 9/09) obavezno podnose i posebne obrasce sa podacima koji se koriste za potrebe statističkih istraživanja iz oblasti nacionalnih računa, a u svrhu izračunavanja Bruto domaćeg proizvoda (GDP-a) i investicija u Federaciji Bosne i Hercegovine i to:

- «Statistički aneks godišnjeg računovodstvenog izvještaja za 2010. godinu» (obrazac StatAneks). Ovaj obrazac podnose sve pravne osobe obveznici sastavljanja i predaje godišnjeg obračuna, koje knjigovodstvo vode po kontnom planu za privredna društva (preduzeća);

- «Godišnji izvještaj o investicijama za 2010. godinu» (obrazac INV – 01). Ovaj obrazac podnose sve pravne osobe obveznici predaje godišnjeg obračuna, bez obzira da li su imali ili nisu ulaganja u stalna sredstva.

14) Pravna lica, obveznici predaje finansijskih izvještaja, na osnovu utvrđenog godišnjeg obračuna, koje knjigovodstvenu evidenciju vode po kontnom planu za privredna društva (preduzeća), obavezno predaju i Obračun posebnih vodoprivrednih naknada, obrazac «OVN» u skladu sa odredbama Zakona o vodama („Službene novine Federacije BiH“, broj 70/06), Pravilnikom o načinu obračunavanja, postupku i rokovima za obračunavanje, plaćanje i kontrolu izmirivanja opće vodne naknade i posebnih vodnih naknada («Službene novine Federacije BiH», broj 92/07 i 46/09) i Odlukom o visini posebnih vodnih naknada («Službene novine Federacije BiH», broj 46/07).

15) Obveznici predaje finansijskih izvještaja na osnovu utvrđenog godišnjeg obračuna, pravne osobe koje knjigovodstvene evidencije vode po kontnom planu za privredna društva (preduzeća), obavezno predaju i Obračun naknada za eksploataciju šuma i ostalih prihoda obrazac «ONŠ», u skladu sa odredbama Uredbe o šumama („Službene novine Federacije BiH br. 83/09, 26/10 i 38/10) i Uputstva o načinu obračunavanja, rokovima i postupku plaćanja naknada za zaštitu i unaprijeđenje šuma („Službene novine Federacije BiH“ broj 44/10).

16) Svi obveznici predaje finansijskih izvještaja na osnovu utvrđenog godišnjeg obračuna dužni su da predaju i obračun posebne naknade za zaštitu od prirodnih i drugih nesreća obrazac „ZS“ u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03 i 22/06 i 43/10) i Uputstvo o načinu obračunavanja i uplati posebne naknade za zaštitu od prirodnih i drugih nesreća („Službene novine Federacije BiH“; broj 81/08).

17) Nadležni organi i organizacije preuzet će od Agencije za finansijske, informatičke i posredničke usluge d.d. Sarajevo i Agencije za pružanje finansijskih, informatičkih i posredničkih usluga d.d. Mostar i koristiti za svoje potrebe posebne podatke iskazane na obrascima i to: «TZ» Obračun članarina turističkim zajednicama; «OVN» Obračun posebnih vodoprivrednih naknada; «ONŠ» Obračun naknada za eksploataciju šuma; te „ZS“ obračun naknade za zaštitu i spašavanje ljudi i materijalnih dobara od prirodnih i drugih nesreća, kao i druge naknade.

18) Finansijski izvještaji na osnovu utvrđenog godišnjeg obračuna za period I – XII 2010. godine popunjavat će se u konvertibilnim markama (KM), u apsolutnim iznosima, bez decimala.

19) Prijem i obradu godišnjih finansijskih izvještaja ,računovodstvenih iskaza i posebnih podataka o godišnjem obračunu za period I-XII 2010.god. vršit će Agencije iz ovog Objašnjenja prema Standardnoj klasifikaciji djelatnosti i na računovodstvenim iskazima koje odgovaraju potrebama obveznika u smislu vođenja knjigovodstvene evidencije .

20) Za navedeni obračunski period obavezno se sastavlja porezni bilans I predaje nadležnoj organizacionoj jedinici Porezne uprave Federacije Bosne i Hercegovine u roku propisanom Zakonom o porezu na dobit , odnosno do 30. marta 2011. godine.

21) Pravna lica koja su obveznici revizije za 2010. godinu, u skladu sa članom 49. Zakona dužna su dostaviti revizorske izvještaje sa priloženim revidiranim finansijskim izvještajima, najkasnije do 31.12. 2010. godine. Izvještaji se predaju Agenciji za finansijske, informatičke i posredničke usluge d.d. Sarajevo i Agenciji za pružanje finansijskih, informatičkih i posredničkih usluga d.d. Mostar (prema sjedištu pravnog lica).

(Podsjećamo da su obveznici revizije finansijskih izvještaja za 2009. godinu u skladu sa Zakonom bili dužni izvršiti reviziju finansijskih izvještaja za 2009. godinu i dostaviti ih sa revidiranim finansijskim izvještajima do kraja prošle godine Agenciji za finansijske, informatičke i posredničke usluge d.d. Sarajevo i Agenciji za pružanje finansijskih, informatičkih i posredničkih usluga d.d. Mostar.

22) Svi obveznici predaje finansijskih izvještaja - godišnjeg obračuna za period I –XII 2010. godine dužni su pridržavati se ovog Objašnjenja.

**MINISTAR**  
**Vjekoslav Bevanda**

**CO:**

- 1. Federalni zavod za statistiku;**
- 2. Savez računovođa, revizora finansijskih radnika Federacije BiH -  
Savez računovođa, revizora finansijskih djelatnika Federacije BiH**
- 3. Agencija za finansijske, informatičke i  
posredničke usluge d.d. Sarajevo**
- 4. Agencija za pružanje finansijskih,  
informatičkih i posredničkih usluga Mostar**
- 5. Porezna uprava Federacije BiH**